

## AUGLÝSING

### um skipulag í Ljósavatnshreppi, Suður-Pingeyjarsýslu.

Að fengnum tillögum skipulagsstjórnar ríkisins hefur ráðuneytið samkvæmt heimild í 4. gr. 2. mgr. skipulagslaga nr. 19/21. maí 1964 ákveðið, að ákvæði skipulagslaga nr. 19/1964 skuli ná til Ljósavatnshrepps, Suður-Pingeyjarsýslu, að undanskildum nauðsynlegum byggingum vegna búrekstrar á lögbýlum.

*Félagsmálaráðuneytið, 13. september 1974.*

F. h. r.

Hallgrímur Dalberg.

*Guðmundur Karl Jónsson.*

Nr. 283.

17. september 1974.

Staðfesting forsetans á skipulagsskrá fyrir minningarsjóð Lizziar og Páls á Halldórsstöðum í Laxárdal, útgefin á venjulegan hátt að mandatum af dómsmálaráðherra 17. september 1974.

Skipulagsskráin er þannig:

## SKIPULAGSSKRÁ

### fyrir minningarsjóð Lizziar og Páls á Halldórsstöðum í Laxárdal.

#### 1. gr.

Sjóðurinn heitir Minningarsjóður Lizziar og Páls á Halldórsstöðum og er stofnaður af William Fr. Pálssyni, til minningar um foreldra hans frú Lizzi og Pál Þórarinsson, sem bjuggu á Halldórsstöðum í Laxárdal frá árinu 1894 til 1948.

#### 2. gr.

Stofnfé sjóðsins eru kr. 250 000.00 — tvöhundruð og fimmtíuþúsund krónur — og skal það ávaxtast í ríkistryggðum banka. Auka má sjóðinn með gjöfum eða annarri fjáröflunarstarfsemi.

#### 3. gr.

Tilgangur sjóðsins er að viðhalda og efla byggð í Laxárdal, styrkja starfsemi Kvenfélags Laxdæla og efla samtök kvenna í dalnum.

#### 4. gr.

Stofnfé sjóðsins má aldrei skerða, en árlegum vaxtatekjum hans má verja samkvæmt framanskráðu og sér stjórn sjóðsins um úthlutun úr honum.

#### 5. gr.

Sjóðurinn skal vera í vörslu Kvenfélags Laxdæla og lögleg stjórn þess félags á hverjum tíma, skal vera stjórn sjóðsins og skal hún sjá um reikningshald hans.

Ef kvenfélagið hættir störfum kýs hreppsnefnd Reykdælahrepps þrjár konur, búsettar í Laxárdal, í stjórn sjóðsins og skulu þær kosnar til tveggja ára í senn.

## 6. gr.

Endurskoðandi sjóðsins skal vera hreppstjóri Reykdælahrepps, ef hann er búsettur í Laxárdal, en annars skal hreppsnefndin í Reykdælahreppi kjósa endurskoðanda, sem búsettur er í Laxárdal.

## 7. gr.

Leita skal staðfestingar forseta Íslands á skipulagsskrá þessari.

**REGLUGERÐ****um eftirlitsgjald vegna lyfjaeftirlits fyrir árið 1974.**

## 1. gr.

Gjald það, sem lyfsölum, lyfjagerðum, lyfjaheildsölum og héraðslæknum ber að greiða fyrir árið 1974, vegna lyfjaeftirlits samkvæmt 47. gr. lyfsölulaga nr. 30 29. apríl 1963 skal vera sem hér segir:

|              |       |               |
|--------------|-------|---------------|
| I. flokkur   | ..... | kr. 20 000.00 |
| II. flokkur  | ..... | — 16 000.00   |
| III. flokkur | ..... | — 12 000.00   |
| IV. flokkur  | ..... | — 8 000.00    |
| V. flokkur   | ..... | — 4 000.00    |

## 2. gr.

Lyfjabúðum er skipað í flokka vegna greiðslu eftirlitsgjaldsins sem hér segir:

- I. flokkur: Lyfjabúðin Iðunn,  
Reykjavíkur Apótek.
- II. flokkur: Akureyrar Apótek,  
Apótek Austurbæjar,  
Apótek Keflavíkur,  
Laugavegs Apótek.
- III. flokkur: Hafnarfjarðar Apótek,  
Holts Apótek,  
Ingólfs Apótek,  
Stjörnu Apótek,  
Vesturbæjar Apótek.
- IV. flokkur: Akranes Apótek,  
Borgar Apótek,  
Garðs Apótek,  
Háaleitis Apótek,  
Ísafjarðar Apótek,  
Kópavogs Apótek,  
Laugarnes Apótek,  
Lyfjabúð Breiðholts,  
Selfoss Apótek.